

Ndaej bae Baekging Denh' anhmwnz yawj swng gozgiz, gou ngeix haujlai vunz cungj miz aen siengmuengh neix. Miz di vunz bae gvaq Baekging, danhseih aenvih gak cungj gak yiengh yienzaen, cix mbouj ndaej bae yawj swng gozgiz, gou bae gvaq Baekging geij baez, hix dwg caengz ndaej bae Denh' anhmwnz Gvangjancgz yawj swng gozgiz gvaq. Ndwen gonq, gou youh bae Baekging hagsib cib geij ngoenz, mbatneix dauqdae ndaej bae yawj swng gozgiz lo.

Haetde sam diemj lai cung, gou couh hwnqcong lo, seiq diemj cung, gou couh caeuq geij boux baengzyoux caemh daeuj hagsib haenx daj Cunghyangh Minzcuz Ganbu Yozyen hwnjdin, gvaq aen cungdaeuz lai di, dang dou daeuj daengz Denh' anhmwnz Gvangjancgz seiz, din mbwn gaenq miz di hau lo. Gvaq ancienz genjcaz le, dou bouxboux ciengj gonq lau laeng dwk caenx daengz henz diuz sienqyawj bae, cijraen diuz sienqyawj seiq henz gaenq ndwn rim geij gvaengh vunz lo, dou siengj ra dieg cingq doiq daizgeiz he daeuj ndwn, hoeng gizhaenx gaenq ndwn rim vunz, dou cijndei seizbienh ra dieg yawj ndaej raen daizgeiz he daeuj ndwn caj, mbouj geij nanz, youq baihlaeng dou couh ndwn rim vunz, boux nem boux, yaek doengh di cungj nanz.

Seiq nyied, Namzningz raeuz gaenq dwg va rang roeg ciu, ndit ciuq mbwn raeuj, hoeng Baekging lij dwg nit dangqmaz, rumz cififi, dou yienznaeuz daenj buhlaengj daiq mauh, lij nit ndaej saenzfoebfoeb. Hoeng, baez yawj doengh boux cansw hugizbanh, gyoengqde bouxboux lumj gocoengz nei baenz baiz ndwn youq haenx doengh hix mbouj doengh. Dingq naeuz mboujlwnh dwg seiz nit mwh hwnq, roxaeuz rumz ci fwn raq, sam bak roek cib haj ngoenz, mbaw gozgiz Denh' anhmwnz Gvangjancgz ciengxlwenx caeuq daengngoenz baihdoeng caemh swng hwnj, siengj daengz gyoengq cansw hugizbanh yaek

sanjvwnz

# Youq Denh' anhmwnz Yawj Swng Gozgiz

## 在天安门看升旗

□ Ouhyangz Veiyez/欧阳惠月



guh daengz yienghneix gyoengqde mbouj rox aeu geijlai dwgrengz, gij yiliz gyoengqde dwg baenzneix giendingh, gyoengqde hawj dou roxnyinh daengz, dwg gyoengqde yungh ciuhvunz caeuq sengmingh daeuj hen gij cunhyenz guekcoj raeuz. Baenzneix siengj le, dou couh mbouj roxnyinh nit lo.

1949 nienz, Baekging Denh' anhmwnz Gvangjancgz swng mbaw Geizhajsing daih' it Cungguk moq, de naeuz hawj daengx seiqgyaiq nyi: Cungguk yinzminz daj neix ndwn

hwnjdaeuj lo! Seizneix, moix ngoenz cungj miz gij ginzung daj daengx guek gak dieg daeuj daengz Denh' anhmwnz Gvangjancgz yawj swng gozgiz. Swng gozgiz seizgan mbouj dwg ngoenzngoenz cungj doxdoengz, ngoenzneix swng gozgiz dwg haj diemj sam cib gouj faen hainduj. Dang mbwn ciemhciemh rongh hwnjdaeuj seiz, gij daeng Denh' anhmwnz Gvangjancgz couh ndaep lo, gyoengqvunz hix rox daengz gozgiz huveidui couh yaek okdaeuj, bouxboux cungj dwg ngiengx gyaeuj daengj dwk. Sawqmwh mbouj

rox dwg byawz hemq naeuz: "Yawj, huveidui okdaeuj lo!" Seizhaenx gij sing cauzcumcum sikhaek caem roengzdaeuj, caezgya cungj yawj bae coh Denh' anhmwnz—yawjraen hugiz yicang duivuj hen dwk gozgiz, moix boux cansw ngiengx gyaeuj enj aek yamqdin cingjcaez miz rengz daj Denh' anhmwnz okdaeuj, gyoengqde byaij gvaq Ginhuijgyauz, byaij gvaq Gaicangzanhgaih, byaij daengz naj daizgeiz. Haj diemj sam cib gouj faen, gaenq dwk sing "gingqlaex!" aen goujling neix hemq okdaeuj, doengzseiz sing go gozgoh hix yiengj hwnjdaeuj goksasa lo, doenghboux yawj swng gozgiz haenx hix gikdoengh dwk daih sing riengz ciengq gozgoh, haujlai vunz doq ciengq doq raemxda lae ni, mbaw gozgiz youq ndaw sing go gozgoh caeuq vunz cim ndaej de menhmenh swng hwnjbae, gozgoh laebdaeb yiengj sam baez, gozgiz couh swng daengz dingj lo.

Doenghboux daengz Denh' anhmwnz Gvangjancgz bae yawj swng gozgiz, dingzlai dwg bouxyouz daj daengx guek gak dieg daeuj, gyoengqde cungj dwg daj haetromh sam seiq diemj cung couh daeuj daengz Denh' anhmwnz Gvangjancgz lo, miz di gikdoengh dwk baenz hwnz cungj mbouj ninz ni. Daihgya soemh rumz soemh nit, mbwn caengz rongh couh daeuj neix ndwn, couh dwg vih yawj 2 faen lingz 7 miux swng gozgiz neix, youq ndaw song faen lai cung neix, dou cungj youq ndawsim mieng: Dou dwg vunz Cungguk, dou ciengxlwenx aeu sengmingh bae gyaez guekgya! Guekcoj dou mbouj hawj byawz daeuj ciemq!

Dang gou sij mbouj ndaej dwk lizhai Denh' anhmwnz Gvangjancgz seiz, daengngoenz daj baihdoeng swng hwnjdaeuj lo, ndit ciuq youq gwnz Denh' anhmwnz Gvangjancgz rongh-sagsag, hawj dou roxnyinh daengz guekcoj raeuz dwg baenzneix gyaeu-ndei, baenzneix hungmbwk!

Veiz Suveih caeuq Cangh Yungzlinz cungj naeuz: Youzcaih Gozcingh dungzci anbaiz.

Gyoengq dungzci Yungzyen caeux dingq gangj gvaq gij beizheiq Veiz Gozcingh, de mbouj haengj vunz daegbied dakdaih de. Ndigah, yenveij goj mbouj cawj baenzlai byaek, mbouj gwn laeuj lo, seizbienh gwn le donq ndeu.

Gwn ringz gvaq le, Dingh Saulanz cix lwnh Yungzyen ndaem gofoed cingzvang hawj Veiz Gozcingh caeuq song boux lingjdauj diveij. De naeuz, Yungzyen miz 36 fanh vunz, 28 fanh moux naz, 3 fanh lai moux reih, soqlaiz cungj dwg ndaem song geiq haeux, gya hwnj binaengz lij miz 1/3 doenghgo gvaqdoeng, fukndaem ceijsoq sang, gwn dieglic caeuq feizlig haenq, bwnh haex nyoh mbouj gaeuq, bwnh vafeiz youh noix. Vunzguhnaz vihliux ra bwnh, cijndei hwnj bya bae coemh ndaengq caeuq canj namhbeiz,

doeklaeng ndaengq yied coemh yied noix, namhcaznywj hix yied canj yied noix, gwnz ndoi bienq ndoq, ndoeng deng buqvaih, namhraemx laesaet, haeuxgwn mbouj demsou. Daengx yienh vunz bi doek bi demlai, aeu demgya haeuxgwn, couh itdingh aeu guh ndei hong cau hwnh. Ndigah, dou cij roengzsim youq gaiq "dieggimq" neix sawq ndaem gofoed. Seizneix lij mbouj gamj gangj baenzgoeng lo, hoeng cungj suenq mo ndaej mbangj gvildw okdaeuj gvaq, ra

deng dauq gvicingz gisuz ndaem gonnywvahoengz caeuq gomaenz hab bonjdieg haenx.

Veiz Gozcingh doiq Yungzyen Yenveij gamj buqcauz maezaenq, aeueiq gohyoz, genhciz aen gwzming gohyoz daidu lingjdauj caeuq vunzgisuz, vunzguhnaz giethab guh gohyoz sawqniemh neix gig haenhndei. De naeuz: "Sou baezneix laemxsim ndaej ndei, ndaem gofoed mboujdanh ndaej yungh bwnh, bang demlai haeuxgwn, youh ndaej hoh ndei faexndoeng,

baujhoh namhraemx, gijneix dwg gij fuengfap guh yiengh ndeu ndaej ok lai yiengh haenx. Gou lai baez gangj gvaq, mbouj cinj luenh raemj faex, mbouj cinj coemh ndaengq caeuq canj caznywj, miz di vunz vanzlij mbouj rox yienghde guh miz maz haih. Gingniemh sou ndei lai, yaek dawz bae doigvangq hawj daengx gih. Muengh yenveij laebdaeb rom gingniemh, mboujduenh baenaj, sawj haeuxgwn ndaej demsou."

(caengz sat)

## Veiz Gozcingh Sangcieng Cawj-guenj Guengjsae Ngeihcib Bi

### 韦国清上将主政广西二十年

□ Hoz Saubangisii Cioz Siengzcoub Liuz Gingliuj Cioz Siengzzen hoiz